

信言不美章第八十一

信言不美美言不信

御注曰道之出口淡乎其無味貌言華也故不足信

碧虛子陳景元曰夫信實之言淡乎無味其猶水也水淡則能久不美者以其質而苦也美好之言甘而滋溢其猶醴也醴甘則易絕不信者以其華而虛也

穎濱蘇轍曰信則為實而已故不必美美則為觀而已故未必信

臨川王安石曰信者性也言近於性則極天下之至順故言之信者不美言之美則不能近於性矣

道藏輯要

道德真經 彭鶴林集註

美

心集八 川八

清源子劉驥曰信言合於道美言悅於人

黃茂材曰天下皆知美之為美斯惡矣言足信於人何用美哉美則不信

程大昌曰信者誠然也用其誠然者言之無所緣飾故不美也所謂道之出口淡乎其無味者也美言則涉迹而文如春臺之守者是矣食於母而談其真者不如此也

善言不美美言不信

韓愈曰言者人寡辭盜言孔甘

韓愈曰以善為主則不求辯以辯為主則未必善

韓愈曰其行實善不假辯說心行不善自

陳象古曰易自足也

鄰國相望雞犬之聲相聞使民至老死不相與往來

御注曰居相比也聲相聞也而不相與往來當是時也無欲無求莫之為而常自然此之謂至德

碧虛子陳景元曰鄰國相望猶今郡縣之相接也雞犬之音相聞謂民豐而境近也民至老死言無戰敵而壽終也不相往來猶魚相忘於江湖人相忘於道術也此可以同赫胥尊盧之風矣

穎濱蘇轍曰民物繁夥而不相求則彼此皆足故也

臨川王安石曰夫德之被於民及其極也則能使民無知無

道藏輯要

道德真經
彭鶴林集註

卷八
心集八

欲惟知耕而食蠶而衣而不知其所以然

道真仁靜先生曹道沖曰自耕自織不闕衣食無與無求往來何益

清源子劉驥曰古之人有連墻二十年而不相謁請者蓋進此矣

黃茂材曰昔者容成氏大庭氏伯皇氏中央氏栗陸氏驪畜氏軒轅氏赫胥氏尊盧氏祝融氏伏羲氏神農氏當是時民結繩而用之甘其食美其服樂其俗安其居鄰國相望雞犬之音相聞民至老死不相往來老子之意欲與天下之民同於上古乎

碧虛子陳景元曰今將使人忘情去欲歸於淳古

竊濱蘇轍曰事少民樸雖結繩足矣

清源子劉驥曰彼民各有常性耕而食織而衣含哺而熙鼓腹而遊其行填填其視顛顛可以同於上古至德之世故使民復結繩而用之甘其食美其服安其俗樂其業鄰國相望雞犬之音相聞使民至老死不相往來

程大昌曰莊子備舉此語而致諸伏羲神農以上且推論後世之失曰今遂使民延頸舉踵曰某所有賢者贏糧而趣之足跡接乎諸侯之境車軌結乎千里之外是上好智之過也好智而無道則天下亂矣故夫結繩之可復也其必自民無

道藏輯要

道德真經
彭鶴林集註

卷

八〇三

心集八

外慕者始也則愚其智使人於無欲者又絕其外慕之本也甘其食美其服安其俗樂其業

御注曰止分故甘去華故美不擾故安存生故樂

碧虛子陳景元曰夫君上無欲而民自樸嗜好不生民乃知足雖蔬食藜羹之糲而飽滿淡味爲甘葛衣鹿裘之粗而溫涼無文爲美茅茨蓬華之陋而風雨不侵爲安南炎北沍之苦而水土任適爲樂

涑水司馬光曰雖疎惡隘自以爲甘美安樂

穎濱蘇轍曰內足而外無所慕故以其所有爲美以其所處爲樂而不復求也

疑而巧說

黃茂材曰道無問無辯果於善何用辯哉辯則不善

知者不博博者不知

御注曰知道之微者反要而已聞見之多不如其約也莊子曰博之不必知辯之不必慧

碧虛子陳景元曰知者謂知其道也明於理而知根本得其要而已何必博乎所謂少則得也西升經云子得一萬事畢博者謂博通於物務於事而攻異端不知所極所謂多則惑也莊子曰文滅質博溺心

涑水司馬光曰知者不博一以貫之博者不知多歧亡羊

道藏輯要

道德真經 彭鶴林集註

堯 心集八

穎濱蘇轍曰有一以貫之則無所用博學而日益者未必知道也

道真仁靜先生曹道冲曰精粹已知而不須廣博不知要理徒謂多聞

葉夢得曰今老氏之為書使人得以受而味焉則近乎美窮萬物之理而無不至則近乎辯察萬事之變而無不該則近乎博然固有信而不美善而不辯知而不博者存

黃茂材曰通乎一萬事畢苟知一矣何用博哉

聖人無積既以為人已愈有既以與人已愈多

御注曰有積故不足無藏故有餘莊子曰聖道運而無所積

涑水司馬光曰聖人不集不私無物既以爲人已愈有德智無窮既以與人已愈多損之而益

穎濱蘇轍曰聖人抱一而已他無所積也然施其所能以爲人推其所有以與人人有盡而一無盡然後知一之爲貴也王雱曰聖道運乎無方而我常無滯故以至無供萬物之求積而有之所得鮮矣爲人者施於事業以治天下也因其勢而利之則吾道不虧而事業彌廣矣與人者授之以道也授之以道如天生物吾未嘗費而物日以夥既云無積故又明能淡足萬物蓋惟無積乃所以能足也

道真仁靜先生曹道冲曰體虛善應

道藏輯要

道德真經
彭鶴林集註

李

心集八

清源子劉驥曰聖人體道之妙應物之求以德分人未嘗費我既以爲人已愈有既已與人已愈多萬物皆往資焉而不匱無積故也

黃茂材曰道與天下共也非聖人已私物聖人運而無積既以爲人而在己者不加亡故曰愈有既以與人而在己者不加少故曰愈多此道所以爲善貸萬物而不遺者歟

程大昌曰此其故何也聖人者道之管也道者居於至無而萬有莫不由之以出故不待營致藏聚視之不足於見聽之不足於聞而用之無時或既莊子曰益之而不加益損之而不加損者聖人之所保也淵淵乎其若海巍巍乎其終則復

始也

天之道利而不害聖人之道爲而不爭

御注曰體天而已何爭之有

穎濱蘇轍曰勢可以利人則可以害人矣力足以爲之則足以爭之矣能利能害而未嘗害能爲能爭而未嘗爭此天與聖人所以大過人而爲萬物宗者也

葉夢得曰抑嘗觀世之論老氏者矣自漢蓋公得其術教曹參以相齊而齊治竇太后好之施於文景而天下大安茲非其利乎然以清虛而廢實務其流遂至於亡者則不可謂無害孔子曰述而不作信而好古竊比於我老彭古今所傳以

道藏輯要

道德真經
彭鶴林集註

空

心集八

老爲老氏信斯言也孔子所不廢茲非其爲乎然有病其提提仁義絕滅禮學以爲有見於上而無見於下羣起而非之則不可謂無爭此二言者老氏之所前知也

黃茂材曰聖人與天其道一也在天謂之利而不害在聖人謂之爲而不爭其實無二八十一章雖名道德經始終言道而已

程大昌曰此二語皆主柔而言也凡其一書皆主柔以達所欲而其道原蓋出於天也是以篇終對而言之

穎濱蘇轍曰凡此皆老子之所以爲書與其所以爲道之大概也故於終篇復言之

太上道德真經集註終

道藏輯要

道德真經
彭鶴林集註

卷

心集八
廿七

道教學術資訊網